

畿輔通志卷十三

帝制紀十三

京師二

苑囿

西苑在

西華門之西門三東嚮門內爲

太液池源出玉泉山從德勝門水關導入匯爲巨池周廣數里
上跨長橋修數百步東西樹坊各一曰金鰲曰玉蝀橋之北
曰北海南曰中海又南曰南海卽

瀛臺禁地也循池東岸度橋折而西臨池北嚮者爲德昌門門

三楹左右朝房各三間門內正中北嚮者爲

勤政殿正殿五楹殿後爲仁曜門門南過橋爲

瀛臺平隄石闌拾級而登正中北嚮者爲

翔鸞閣閣廣七楹建相風金鳳於屋極左右延樓迴抱各十九間閣後有樓二東曰祥輝西曰瑞曜又南爲涵元門門內東嚮者爲

慶雲殿西嚮者爲

景星殿正中南嚮者爲

涵元殿殿之東爲

藻韻樓西爲

綺思樓各六楹正中北嚮相對者爲

香辰殿殿三楹殿左右各有室三楹曰溪光樹色曰水一方北嚮又左右各有北接室三楹曰虛舟曰蘭室東西嚮殿後南嚮崇基下臨者卽

瀛臺也臺爲趵臺陂舊址卽明時所謂南臺者

國朝順治年間稍加修葺

高宗純皇帝御書匾額臺之東爲

春明樓西爲

湛虛樓中庭有木變之石臺南爲

迎薰亭自

翔鸞閣至此統名

瀛臺三面臨水臺南蓼渚蘆灣參差掩映卽南海也由

藻韻樓折而東南嚮者爲

補桐書屋

高宗純皇帝嘗讀書於此

庭有雙桐其一爲風雨所摧乾隆九年補植

北嚮者爲

隨安室由書屋再折而東爲

待月軒軒南有海神祠北建六方亭於石巖上曰鏡光又構亭於水中曰勃魚轉石徑而南爲牝谷

綺思樓西山上有臺額曰八音克諧臺北爲

長春書屋屋後小室曰漱芳潤屋西有亭臨池曰懷抱爽左右山石間有劍石二曰插笏其南隔池相對者爲

寶月樓由仁曜門折而東過崑崙石度橋有亭曰垂虹又東南一亭曰俯清泚稍北爲

淑清院院東北隔水南嚮者爲

葆光室院左過小橋有堂三楹曰

韻古堂

堂舊爲蓬瀛在望乾隆三十年西師奏凱後適得江西所獻古鏞鐘卽貯斯堂因易今名堂之左側

院門東有亭曰流杯亭北爲

素尚齋齋左右迴廊廊之東南池上有室曰千尺雪又東有亭

曰魚樂循池岸折而南爲

日知閣閣後左門東南爲

春及軒軒左爲

交蘆館又左爲

芸齋稍南爲

賓竹室室南爲

蕉雨軒又南爲

雲繪樓樓西爲

韻磬居又西南曰

清音閣閣與樓上下相通有門曰印月門外東南則船塢也由

閣沿隄而南爲

同豫軒軒後爲

鑑古堂軒前有室曰香遠曰靜柯曰自在觀山下有室曰鷺濤
由仁曜門折而西有屋數楹爲

聖祖仁皇帝養蠶之所又西橋上有亭曰結秀亭西爲

豐澤園

凡

西苑宮室皆仍明時舊址
豐澤園爲康熙年間所建

南嚮門五楹門前有稻

田數畝

聖祖仁皇帝嘗親臨勸課農桑雍正年間每歲

耕藉先期演耕於此乾隆年間踵而行之門內爲

惇敘殿

本名崇雅殿乾隆年間以燕宗
室於此移舊額於園西而改今名殿東爲

菊香書屋殿後爲

澄懷堂堂北爲

遐矚樓園西有亭曰荷風蕙露與亭相對有門門內爲

崇雅殿殿後東爲

靜憩軒西爲

懷遠齋又後有臺北面臨水其南隔水相對者爲

純一齋由德昌門折而西有門東嚮入門循山徑而南爲

春耦齋北嚮齋後隔池相對者爲

聽鴻樓樓上下共五十四楹樓南徑路盤紆亭榭間出西北有

小竹亭南折而東北嚮者爲

植秀軒又折而西爲石池池穿石洞出爲

虛白室東嚮室南有亭曰竹汀亭南爲

愛翠樓由竹汀再折而西有櫻亭一又由

愛翠樓南下有佛宇一所北嚮臨池額曰大圓鏡其東稍北有

石門石門外卽

荷風蕙露亭也由亭循池西岸而南爲

茂對齋其右爲

涵春室齋西有亭曰延賞由

春耦齋循池西岸而北有高閣南嚮曰

紫光閣閣爲明之平臺

國朝改建爲閣

聖祖仁皇帝常仲秋校射於此嗣後於閣前試武進士至今循以爲
例乾隆年間

十全紀勝凡在事諸臣炳列丹青併弄藏得勝靈纛及俘獲軍器又
自乾隆二十六年後外藩筵燕亦於此閣後爲

武成殿左右有廡各十有五楹又北爲

時應宮宮之東爲福華門門外卽金鰲玉螭橋西街由

西苑門循池東岸而北爲

蕉園

蕉園一名椒園園內有明崇智殿舊址

嚮北有門入門南折而西面南者爲

萬善門門內爲

萬善殿後爲

千聖殿東爲

迎祥館館東爲

朗心樓樓廣三楹樓東南有壇五楹

千聖殿西爲

集瑞館館西爲

悅性樓樓廣三楹自萬善門西行抵水埠有亭出水中日水雲

榭石碣恭鐫

高宗純皇帝御書太液秋風四字卽燕山八景之一也榭之北有長

橋卽金鰲玉螭橋西紅牆夾道有門相對南卽福華門北爲

陽澤門與闢福寺通金鰲玉蟬橋之東有崇臺因臺爲圓城俗名團城周圍數百步兩掖有門各一東曰昭景西曰衍祥皆有樓入門由磴道左右分上其中爲

承光殿卽元儀天殿之舊也

殿前有古栢傳爲金時遺植

殿南石亭置元時

玉甕恭鐫

聖製玉甕歌柱間刻詞臣奉

敕詠玉甕詩殿後爲

敬躋堂十有五楹北環城南抱

承光殿東爲

古籟堂又東有亭曰朶雲西爲

餘清齋由齋內曲廊而西有亭曰沁香其後小石山上有亭曰鏡瀾城外東西以紅牆爲界有門二東曰承光左門西曰承

光右門北駕石橋有牌坊二座南曰積翠北曰堆雲過橋卽永安寺圍城之北過積翠堆雲橋爲白塔山山爲

西苑之鎮卽金之瓊華島元時所謂萬歲山或稱萬壽山也

國朝建白塔於山頂因易今名山之南爲永安寺寺門三間南嚮入門爲法輪殿殿五楹殿後石磴拾級而升有坊一左右有亭二東曰引勝西曰滌靄亭內各有石幢忝鐫

聖製白塔山總記及塔山南面西面北面東面記亭後各有石亭下各爲石洞穿洞由甬道拾級而上左右覆洞有方亭各一東曰雲依西曰意遠平處爲佛殿前爲

正覺殿後爲

普安殿東西殿各一曰聖果曰宗鏡寺牆之東緣山而升有亭

曰振芳再升有亭曰慧日稍西有穹碑二

一鐫順治八年建塔記一鐫雍正十

修記 一年重再升則

普安殿之東廊寺牆之西緣山而升有亭曰蓬壺挹勝再升爲
悅心殿每值

臨幸塔山視事於此殿後爲

慶霄樓樓上下各七楹南嚮

高宗純皇帝每逢臘日奉

皇太后觀冰嬉於此殿東爲

靜憩軒轉石屏入牆門接

普安殿殿後躡石磴層躋而升爲

善因殿殿後卽白塔

其下爲藏信礮之所

此塔山之南一面也由

慶霄樓西折而下有二道其一循樓而南不數武有室曰一房

山其房覆湖石而成由房南間石巖蟠旋而下爲

蟠青室室皆廼廊環抱由

悅心殿西角門出山半有亭曰揖山其下有石橋南北有坊各一過橋又南北有坊各一橋之北正中爲

琳光殿其一循樓轉而北有亭曰妙鬘雲峯厯石磴而下有殿曰水精域再下爲

甘露殿殿前卽

琳光殿再轉而北長廊二十五楹左右圍抱相合者爲

閣古樓壁嵌三希堂法帖石刻樓後有亭曰烟雲畫態稍北爲

畝鑑室室三楹此塔山之西一面也由

閣古樓轉而東有亭曰邀山又東北曰

酣古堂堂三楹西嚮倚石爲洞循洞而東爲

寫妙石室室之東間爲樓緣梯而降復爲石洞循石洞東行數

百武再穿石洞而出有小丁三間曰

盤嵐精舍再轉而北爲

環碧樓由樓繞廊而下爲

嵌巖室再折而西山上有亭曰一壺天地又西有房爲摺扇形
曰延南薰循洞門北行數十武亦達摺扇形房自房而西有
亭曰小崑邱亭西有平臺石柱爲銅仙承露臺又西爲
得性樓樓下爲

延佳精舍稍北爲

抱冲室樓左右翼以山廊厯磴而下爲

鄰山書屋與

畝鑑室之北牆相通其東爲

漪澗堂堂正中北嚮者爲

碧照樓樓長廊六十楹左右環繞極東曰

漪晴樓極西曰

分涼閣又

碧照樓之左爲

遠帆閣亦北嚮閣後爲

道甯齋齋與

鄰山書屋相接由

漪瀾堂而東有堂曰晴欄花韻堂前有臺與堂相對又東爲

紫翠房卽順山房又東爲

蓮華室此塔山之北一面也由瓊島春陰石幢拾級而上爲

看畫廊繞廊而上爲

交翠庭庭之下廊之側攀援石洞而出者爲

古遺堂與堂相對者爲

巒影亭自堂躡梯以下仍緣石洞而出者爲

見春亭亭南卽

智珠殿殿前過橋而東卽陟山門此塔山之東一面也

承光殿之東與蕉園門相對者爲桑園門入門循池東岸而北數百步過陟山門西有水殿十一楹藏

御舟東有門三間西嚮門內循廊躡山而北山巔有堂曰

雲岫厂北嚮曰

崇椒室西嚮又循長廊曲折北下有軒曰濠濮間北嚮臨池有石梁北接石坊坊北門三間入門爲

春雨林塘殿殿後有軒曰空水澄鮮池北相對者爲

畫舫齋廻廊四面臨瞰方池池上兩廊各有室東爲鏡香西爲

觀妙齋之左爲

古柯庭庭東爲

緣意廊廊北爲

得性軒庭後有室曰奧曠西嚮齋之右爲

小玲瓏室水殿北爲龍王廟廟後有橋南北坊各一橋北卽

先蠶壇東爲

觀桑臺臺後爲

親蠶門門內卽

親蠶殿廣五楹東西配殿各三間殿後爲浴蠶池池北爲

後殿均覆以綠琉璃瓦宮左爲蠶婦浴蠶河南北橋各一南橋
之東爲

先蠶神殿西嚮左右牲亭井亭各一北爲神庫南爲神厨殿垣之